

UGOVOR ZA SERVISIRANJE I ODRŽAVANJE TELEFONSKE CENTRALE I MREŽNIH INSTALACIJA

sklopljen između

1. **BOSNA I HERCEGOVINE - USTAVNI SUD BOSNE I HERCEGOVINE**, Reisa Dž.Čauševića 6/III, 71000 Sarajevo, u daljem tekstu Naručilac, koga zastupa Nataša Vuković, generalni sekretar;

i

2. **"SILNICA" d.o.o.**, Društvo za inženjering, trgovinu, održavanje i montažu komunikacijske opreme Sarajevo, Ul. Dr.Silve Rizvanbegović 22, 71000 Sarajevo, ID broj 4200483870004, u daljem tekstu Izvođač, koje zastupa direktor Senad Mehić.

PREDMET UGOVORA

Član 1.

Predmet ovog ugovora je servisiranje i održavanje telefonske centrale Panasonic KX-TDA200 sa pripadajućim telefonskim i telefax aparatima i preraspodjela postojećih lokala, kao i nabavka rezervnih dijelova, te usluge održavanja mrežnih instalacija.

SERVISIRANJE I ODRŽAVANJE TELEFONSKE OPREME

Član 2.

Servisiranje i održavanje telefonske opreme obuhvata sljedeće radove prema pozivu:

- preventivni pregled tel. centrale sa ispitivanjem i provjeravanjem ispravnosti djelovanja sistema
- preventivni pregled djelovanja napojnih uređaja i održavanje akumulatorskih baterija
- otklanjanje grešaka sa popravkom na centrali, otkrivenih kod redovnog održavanja
- otklanjanje grešaka sa zamjenom neispravnih elemenata, otkrivenih kod održavanja
- unošenje promjena i dopuna postojećih programa
- promjena na ograničenju izlaza za gradski i međugradski saobraćaj
- eventualna zamjena telefonskih aparata
- popravke telefonskih aparata
- davanje uputstava za pravilno i stručno rukovanje sa uređajima
- vođenje evidencije nastalih grešaka i izvršenih popravki
- preraspodjela postojećih lokala.

CIJENA

Član 3.

Jedinične cijene za radove iz ovog ugovora definisane su ponudom Izvršioca broj 20/16 od 5. februara 2016. godine koja čini sastavni dio ovog ugovora.

Član 4.

Cijene ne obuhvataju ugrađene rezervne dijelove i potrošni materijal.

U slučaju identifikacije kvara i utvrđenog rezervnog dijela koji treba zamijeniti, Izvođač je dužan dostaviti cijenu rezervnog dijela (predračun) u roku od 12 sati. Naručilac zadržava pravo provjere cijene rezervnog dijela na tržištu (putem ispitivanja tržišta, interneta, ...) i prigovora na istu. U slučaju da Naručilac sam nabavi rezervni dio, Izvršilac je dužan ugraditi ga u skladu sa uslovima navedenim u ponudi Izvršioca.

USLOVI PLAĆANJA

Član 5.

Računi za usluge, izvršene po ovom ugovoru, ispostavljaju se po izvršenim radovima bez primjedaba.

Član 6.

Kao dan nastanka obaveze plaćanja kupca smatra se dan ispostavljanja računa.

Član 7.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 7 dana po izvršenju usluga bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Naručilac je saglasan da Izvršiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

Član 8.

Za rezervne dijelove, koje će izvođač upotrijebiti prilikom izvršavanja ugovorenih obaveza po ovom ugovoru, ispostavlja se poseban račun po istim uslovima plaćanja iz Člana 7. ovog ugovora.

Član 9.

Radovi i materijal, koji će se iskoristiti za izvršavanje usluga, koje nisu predmet ovog ugovora, zaračunavaju se sa posebnim računom.

VAŽENJE UGOVORA

Član 10.

Ugovor stupa na snagu danom potpisivanja od strane ovlaštenih lica ugovornih organa.

Član 11.

Ugovor se zaključuje na period od godinu dana, odnosno do okončanja nove procedure odabira najpovoljnijeg ponuđača u skladu sa Zakonom o javnim nabavkama Bosne i Hercegovine.

Član 12.

Sve promjene ovog ugovora moguće su jedino u pimenom obliku uz suglasnost ugovorenih strana.

Kod promjene zakona odnosno propisa na kojima se temelji ovaj ugovor, ugovorene strane će sklopiti odgovarajući aneks Ugovora, odnosno novi ugovor.

Član 13.

Otkazni rok ovog ugovora je jedan mjesec.

Član 14.

Jednostrani prekid ugovora, bez otkaznog roka ugovornoj strani, koja je ostala vjerna ugovoru, daje pravo na obeštećenje.

Član 15.

Za sve uslove u međusobnom poslovanju, koji nisu obuhvaćeni ovim ugovorom, primjenjivaće se Zakon o obligacionim odnosima.

IZVRŠENJE UGOVORA

Član 16.

Naručilac se obavezuje da kvar na uređajima prijavi Izvođaču, na tel: 033/782-915, fax: 033/782-196 ili mobitel 061/244-739.

Član 17.

Izvođač se obavezuje početi sa popravkom kvara u najkraćem roku, a najkasnije u roku od 5 sati od preuzetog poziva, što ne važi za neradne dane.

Član 18.

Naručilac i izvođač saglasni su, da će kao dokaz o izvršenom radu i utrošenom materijalu služiti radna dokumentacija izvođača, koju će Naručilac ovjeriti potpisom i pečatom.

Član 19.

Naručilac se obavezuje, da će Izvođaču osigurati slijedeće:

- slobodan prilaz do elemenata održavanih uređaja
- redovno čišćenje prostorija u kojima se nalaze uređaji
- odrediti osobu, koja će kontrolisati radove Izvođača i potpisivati u ime naručioca svu radnu dokumentaciju
- omogućiti prilazak servisnog vozila.

GARANCIJA I REKLAMACIJE

Član 20.

Izvođač garantuje da će sve radove iz tog ugovora izvršiti kvalitetno po propisima i standardima koji važe za komunikacijsku opremu i isporučivati kvalitetne rezervne dijelove.

Član 21.

Naručilac mora reklamaciju za istu grešku ili novo ugrađeni materijal javiti u roku od 8 dana po prijemu fakture, da mu izvođač prizna grešku kao reklamaciju.

KONAČNE ODREDBE

Član 22.

Sve sporove koji bi nastupili iz ovog ugovora i ne bi se mogli rješavati po dogovoru između ugovornih strana rješavat će Sud Bosne i Hercegovine u Sarajevu.

Član 23.


Ugovor je sačinjen u četiri (4) primjerka, od kojih obje ugovorne strane zadržavaju po dva (2) primjerka.

IZVOĐAČ RADOVA
SILNICA d.o.o.
Senad Mehmedović
Direktor



Senad Mehmedović

Datum: 17.02.2016



NARUČILAC RADOVA
USTAVNI SUD BOSNE I HERCEGOVINE
Nataša Vuković
Generalni sekretar

Nataša Vuković

Datum: 17.02.2016.